

明代傳記叢刊・學林類①
周駿富輯

南雍志列傳

六卷
(明)黃佐撰

明文書局印行

南廳志卷第十九

列傳一

宋訥

胡儼

陳敬宗

王興

宋訥字仲敏大名滑縣人父崇祿元陝西行臺
侍御史贈參知政事追封魏郡公謚忠肅訥為
名家子雅性持重不妄言笑讀書記問該博登
元至正癸卯進士第筮仕鹽山縣尹遭世亂隱

居求志入

國朝文名益昌于時洪武二年春正月中書省徵

儒士十八人纂修禮樂訥與焉事竣不仕而歸

五年秋過元故宮盡焉傷之作詩以寓黍離之

感

其一鬱蔥佳氣散無踪宮外行人望九重一

推

雙鳳天外無車駕六龍欲訪當時汎舟處滿

池

風雨落芙蓉其二清寧宮殿閉殘花塵世回

頭

換物華寶鼎百年歸漢室錦帆千古似隋家

後

宮鸞鏡投江渚北狩龍旂沒塞沙想見扶藁

城

上月照人清溪落胡笳其三離宮別館樹森

森

秋色荒寒上苑深北塞君臣方駐足中華將

帥

已離心興隆有管鸞笙歇臂正無官玉斧沉

落

日憑高望燕薊黃金臺上棘如林其四黃葉

西

風海子橋頭行客問前朝鳳皇城改宸游

歇

龍虎臺荒王氣消十六天魔金星貯八十霜

塞王鞭搖不知亡國蘆溝水依舊東風接海潮
其五雲霄宮闕錦山川不在穹廬義幃前螢燭
夜遊隋苑圃羊車春醉晉嬋娟翠華去國三千
里玉璽傳家四十年今日消沉何處問居庸關
外草連天誦訥詩者知其明於春秋華夷之辨也十
三年四輔官杜敷薦訥才堪任用勒符召至京
師

上與訥語大說之授國子助教橫經發難擊節廓塞
學者如客得歸十五年五月同諸儒應

制撰諸勅文操筆立成雅稱

上意超拜翰林院學士奉議大夫尋

命撰國子監碑文又復稱

旨賞賚衣帽文綺及鈔已而召其子安賜鈔十錠七

月

上觀尚書至敬授人時謂訥曰敬天之事後世中主
猶能知之敬民之事則鮮有知者蓋彼自謂崇
高民皆事我者分所當然故威嚴日重而恩寢
薄由視民素輕故也視民輕則與已不相干而
畔渙離散不難矣惟能知民與已相資則必無
慢視之弊故曰可愛非君可畏非民衆非元后
何戴后非衆罔與守邦古之帝王視民何嘗敢
輕故致天下長久者以此而已尋有上治平策

者

上覽之顧謂侍臣曰此人論治而不及用賢天下之大乃欲朕一人理之乎蓋獨智自用則所見者狹資賢而用則所及者廣訥對曰誠如

聖諭但賢才之在天下人主豈能周知必賴群臣薦舉然得賢與否繫夫舉之者何如爾

上曰然小人所舉未必為君子君子所舉未必為小人故觀其舉者即可知其人之賢否矣十一月改文淵閣大學士時年逾七十

上親製誥詞曰朕觀古今賢能者遇君有遲速名彰

有先後蓋時運不齊而壯衰相臨故也然昔望
於礪溪猶有非熊之兆而興周八百爾訥年雖
高邁宜徃欽哉訥感知遇每有所補拾日見親
信嘗寒附火火燎脇下衣至膚始覺

上聞之製文警訥曰脇者協也豈爾居內相不能協
助人主為政致神怒若此邪訥頓首慙謝時太
學初成中外歲貢生徒日夥適選煥者掌之師
生相奸教尼不行十六年訥轉朝列大夫國子
監祭酒請于

上嚴立學規諸生皆知敬畏

上由是特厚眷之慮功臣子弟有不服朴罰者命曹國公李文忠兼領監事由是貴胄肅然受教一

日訥有疾

上遣中使致諭有曰卿秉天命之性發仲尼之誠施已幽德修道教人所以病不恭病而速差以其有神也恒謂訥骨格必壽適有畫工至

上命繪其像肖焉喜溢

天表然終老之以其子麟主望江簿特

勅召之還俾使侍養其被遇優渥類此十八年二

月久雨求直言訥獻安邊策曰今海內既安蠻

夷奉貢惟沙漠胡虜未遵聲教若置之不治則
恐歲久醜類為患邊圉若欲窮追遠擊又恐六
師往還萬里餽運艱難士馬疲勞

陛下欲為

聖子神孫萬世之計要不過謹備邊之策耳備邊
固在乎屯兵實兵又在乎屯田屯田之制必當
法漢本始年中匈奴帥十餘萬騎而南欲為寇
漢將趙充國乃將四萬騎分屯緣邊九郡單于
聞之引去夫以四萬騎分屯九郡而充國統制
其間則當時之籌畫區分槩可想見我

朝諸將中勇智謀畧無如充國者哉

陛下宜選其智謀勇畧者數人每將以東西五百里為制隨其高下立法分屯所領衛兵以充國兵數斟酌損益率五百里屯一將布列沿邊之地遠近相望首尾相應耕作以時訓練有法遇敵則戰寇去則耕此長久安邊之策也又何必勞師萬里求僥倖之功以取無用之地哉

上嘉納之遂令邊軍皆屯田且耕且守著為令乙丑戊辰兩科

上策進士魁選恒在太學得士大率三天下之二大

被褒賞學錄金文徵畏其教範嚴厲嗾吏部尚書余燠移文以年老致仕比訥陞辭

上訊知其故以燠蔽賢擅權併文徵等皆誅之

賜諭慰訥居位如故二十二年五月建歷代帝王

廟及廣惠諸祠落成例使翰林詞臣記其事

上以訥文體莊重乃特命訥撰之訥居常寢食恒在

廂房未始一日宿于家二十三年春正月訥有

疾

上遣尚醫來治二月乙未朔疾革子麟等托諸監官

懇請歸家訥厲聲曰是何風雲氣少兒女情多

況在丁社兩祭齋戒中邪丁酉祭畢乃就昇歸
一不口及家事薄暮甫抵家卒年八十

上自製文遣官致祭迨臨發柩時

上再遣祭舟車之費一出于官故事文臣四品無給

費者蓋異數也長子麟擢進士第拜監察御史
出主望江簿次復祖鄉邑訓導其後歲辛未太
學生有連舉大魁者

上思訥曰此宋祭酒訓迪之功也凡諸生守官稱職
者多出訥門

上每舉訥為教國子者楷法復祖服闋

上召為國子司業進而諭之曰若尚思繼武若翁也

其始終眷注自開

國以來文臣罕有其比人以訥素履純恪所致云
訥家西南三里即瓠子堤忠肅公嘗構亭名曰
西隱訥更築白雲茆屋其間故所著詩文二十
卷號西隱集今行于世

021-014

胡儼字若思江西南昌人天資穎悟自幼好學
受經於伯父虞部員外郎汝器自求賢士相師
友熊伯幾以古文辭自高一見儼亟稱其有所
養以古文法授之既長博極羣書至於天文地

理律曆醫卜皆通其說洪武丁卯舉于鄉第二
人明年會試中副榜授華亭縣學教諭時年尚
少而能以師道自任勸勉諸生務實學勵行檢
以變浮靡之習日親講授每至夜分雖隆寒甚
暑不廢父老皆稱重之俄以內艱去丙子改授
長垣縣上疏乞近便養親改饒之餘干自是著
為令其在餘干如華亭時士子樂從之成效居
多已卯以薦陞安慶桐城令為政以愛民為本
凡可便民者以身任之民間積年逋負悉與奏
免邑中虎為害傷民物乃齋沐告于神虎遂滅

跡表朱桐鄉墓俾民奉祀嘗督漕運次三山值
大風雪遇中流有覆舟僉僕夫援之活其被溺
者三十餘人捕蝗途中見饑餓病者悉舍里胥
扶掖就民舍給以藥食是夜大風雨得免暴露
存活數百人其政行往往卓異不羣識者知
其必將大用壬午軍旅方殷廣求材以集事却
史府左副都御史練安薦于

朝稱儼學足以達天人之際智足以資帷幄之籌
必拔而用之乃知臣言不妄於是

召至京師未及任用而